



Broj: 04-40-1-284/25
Sarajevo, 12.10.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 11.10.2025. do 08:30 sati 12.10.2025. godine

Dana 12.10.2025. godine u 01:59 sati, Operativni centar civilne zaštite Kantona Sarajevo zaprimio je informaciju, od strane građanina, o obrušavanju stambenog objekta (porodične kuće) u ulici Abdesthana br.29 (Općina Stari Grad). O prijemu ove informacije obavješten je Pomoćnik načelnika za civilnu zaštitu Stari Grad koji je poduzeo aktivnosti iz svoje nadležnosti. Ekipa službe Civilne zaštite Stari Grad zajedno sa pripadnicima Policijske uprave Stari Grad izvršila je obilazak terena, postavila tablu upozorenja, dok je objekat ogradila trakom. Ruševnom objektu obustavljeno je napajanje vodom i električnom energijom. Trenutno nema ugroženih lica. Porodica koja je živjela u objektu je svojevolumno iselila, a ima mogućnost smještaja u drugom objektu (porodičnoj kući).

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 10 intervencija. Sedam intervencija se odnosi na obezbjeđivanja (pet tankovanja goriva na Međunarodnom aerodromu „Sarajevo“ i dva obezbjeđivanja sportskih događaja), dvije na gašenje zapaljenog otpada u kontejnerima i jedna na kontrolisano spaljivanje dimnjaka.

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 11.10.2025. godine, utvrdili su slijedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

Izvršen obilazak i vizualni pregled terena na lokalitetu klizišta. Tom prilikom je utvrđeno je da je na većem dijelu klizišta i dalje prisutna vidna vlaga u tlu. Uočen je kontinuirani dotok vode iz donjeg dijela deponije, koja se ulijeva u drenažni kanal i time doprinosi zasićenju tla vodom. Na terenu su primjećene manje plavne površine, i to kako na dijelu igrališta, tako i na pojedinim mjestima unutar samog klizišta. Posebno je izražena povećana vlažnost u donjem dijelu, neposredno iznad prvih stambenih objekata, gdje je primjećena i veća količina blatnjavog tla koje se osipa niz padinu. Također, iznad područja rasadnika, na mjestu gdje se završava drenažni kanal, vidljivo je zadržavanje vode i pojačana vlažnost tla, što može ukazivati na neadekvatan odvod površinskih voda sa tog dijela terena.

I dalje je pripravnost vatrogasaca DVD Vratnik, Savjet mjesne zajednice Širokača i Klico trans d.o.o.

Ocjena rizika: Lokalitet je ocijenjen kao uslovno kritičan zbog geoloških procesa, te zahtijeva kontinuiran nadzor.

2. Knjeginjac (Opština Istočni Stari Grad):

Nije zabilježeno novo odlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na postepenu konsolidaciju tla i uticaj atmosferskih faktora.

Prilikom obilaska lokaliteta deponije, vizualnim pregledom je ustanovljeno da nema većih promjena u odnosu na predhodni dan. Na površini terena vidljiva je vlaga u tlu, kao i blago osipanje nasipa. U donjem dijelu deponije konstantno je prisutna pojava plavnih površina, dok nema naznaka dovoženja zemljanog niti drugog materijala na posmatrani lokalitet. Također, u koritu iznad ceste nije zabilježeno prisustvo vode, što ukazuje na trenutno stabilno stanje vodotoka u tom dijelu.

Ocjena rizika: Slijeganje deponijskog materijala i erozija usljed atmosferskih uticaja.

3. Bistrički potok (Općina Stari Grad Sarajevo – Boguševac i Opština Istočni Stari Grad):

Korito potoka je i dalje djelimično zatrpano zemljano-kamenim materijalom i obrušenim stablima. Nisu evidentirane nove degradacije, niti su poduzete aktivnosti na uklanjanju postojećih prepreka.

Prilikom obilaska lokaliteta Bistričkog potoka, vizualnim pregledom je ustanovljeno da je prisutan slabiji dotok vode iz pravca Trebevića. Nije uočeno zadržavanje niti zastoj u protoku vode od mosta na Boguševcu prema Latinskoj ćupriji, te je protok u tom dijelu stabilan i nesmetan. U gornjem dijelu vodotoka i dalje su vidljiva oborena stabla, kao i urušene stijene koje se nalaze na području općine Istočni Stari Grad.

Ocjena rizika: Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale uslijed promijenjenog toka vode.

4. Evakuacija stanovništva sa ugroženih područja:

Na osnovu Naredbi Štaba civilne zaštite Kantona Sarajevo (br. 08-40-1128-2/24 od 01.11.2024. godine i br. 08-40-1128-2.1/24 od 20.11.2024. godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma. U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 10°C, vlažnost zraka 93%, barometarski pritisak 952,7 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Dana 12.10.2025. godine od 16 do 20 sati, obustavlja se saobraćaj u ulici Maršala Tita na dijelu od raskrsnice ulica Mula Mustafe Bašeskije-Ćemaluša do raskrsnice ulica Maršala Tita-Radićeva. Također, zabranjeno je parkiranje u ulicama Kaptol i Ćemaluša. Alternativni pravac za vrijeme obustave je: Mula Mustafe Bašeskije-Pehlivanuša-Petrakijina-Mehmed paše Sokolovića-Bjelave-Džidžikovac-Koševo-Maršala Tita, kao i drugi pravci u skladu sa procjenom MUP-a Kantona Sarajevo.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a